



Inatsisartunut ilaasortaq, Sara Olsvig
Inuit Ataqtigiit
Inatsisartut Allattoqarfiat

§37 009_Isertortumik paasiniaasartut

Matumuuna nassiunneqarpoq § 37 malillugu apeqquteqaatip Inatsisartunut ilaasortamit Sara Olsvigimit nassiunneqartoq, Inuit Ataqtigiit akissuteqaataa.

Apeqqutit:

- 1) Nunatta nunat allamiut isertortumik paasiniaasartuinit alapernaarsugaannginneranik danskit illersornissamut ministeriata qularnaallisillugu uppernarsaasinnaannginneraanera Naalakkersuisut qanoq isumaqarfigivaat?

Akissut:

Paasivara, danskit illersornissamut naalakkersuisuata isertortumik paasiniaasarnermut tunngasut qanga paasinnittaaseq malillugu oqaluuserisimanngikkai, kisiannili digital atorlugu isertortumik paasiniaasarneq - cyberspionage oqaluuserisimagaa. Ullutsinnilu teknologimik atuiffiusumi, Naalakkersuisut naliliinerat naapertorlugu tamatuma pinngitsoortinneqarsinnaanera qulakkiivinneqarsinnaagunangilaq.

- 2) Naalagaaffeqtigiit Iссittumi suliniutaasa danskit naalakkersuisuisa isumaat malillugu isertortumik paasiniaasartunit alapernaarsorneqarnerannut atatillugu kalaallit soqutigisaannik illersuiniarlutik Naalakkersuisut qanoq iliuseqarniarpat?

Akissut:

Qanoq iliorluni isertortumik paasiniaasarnermut isumannaallisaasoqarsinnaanera pillugu Naalakkersuisut ilaatigut Kalaallit Nunaanni Politiit aammalu PET oqaloqatigisarsimavaat. Pissutsit taamaannerat pissutigalugu uagut tamatumuuna qanoq iliuseqarsinnaanerluta sukumiinerusumik nassuiaateqarfigisinnaangilara.

- 3) Nunatsinni pisortat ingerlatsiviini qarasaasiaqarnerup isumannaatsumik qulakkiivigineqarnissaa anguniarlugu Naalakkersuisut qanoq iliuseqarniarpat?

Akissut:

Apeqqutit pingajuat naapertorlugu Siullittaasup Naalakkersuisoqarfia Aningaasaqarnermut Nunamullu Namminerumut Naalakkersuisoqarfimmut aammalu Digitaliseriinerumut Aqutsisoqarfimmut paasissutissanik piniarsimavoq, imatullu paasissutissiisoqarpoq:

27-01-2014
Sags nr. 2014-095048
Dok. nr. 1461040

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Naalakkersuisut sapinngisartik tamaat IT-qarnikkut isumannaatsuutitsiniarlutik sulissuteqarput, nalilersuisarnerit misissuisarnerillu arlaqartut, IT-qarfiup suliasaqarfignaanut ilaasut tunngavigalugit. Soorluttaaq aamma oqartussaasunik allanik Naalakkersuisut suleqateqartut Kalaallit Nunaanni digitalikkut aarlerinartorsiortitsisinnaasut upalungaarsimaffiginiarlugit.

IT-qarnikkut isumannaatsuutitsinissamik suliaqarneq piumasarineqartunut tamatumuuna peruserineqartartut marluk atuutsinneqartut naapertorlugit ingerlanneqarlunilu sulissutigineqarpoq: DS484 aamma ISO27002. Nalinginnaasumik periusaasartuni innersuussutaavoq, pinaveersimatitsiniartoqarlunilu upalungaarsimasoqassasoq.

Pinaveersaartitsiniarnermik suliaqarneq:

- *Isumannaallisaasut, qitiusumik aaqqissuussaaniikkut pingaarutilittut inissisimasut*
- *IT-qarnikkut isumannaallisaanermi aqutsisutut toqqagaq (Isumannaallisaanermi sulisunut ilaasortaasoq)*
- *Paasissutissanik isumannaallisaanissamut pilersaarut ilaatigut assigiinngitsunik ilitsersuutitalik tamatumuunalu politikkeqarneq sulisunit pissarsiarineqarsinnaasut avataanilu sullissisunut najoqqutassatut atorneqarsinnaasut, assersuutigalugu emailpolitikkitut.*
- *Isumannaallisaanermik misileraasarneq, isumannaallisaaniikkut ajutoorutaasinnaasunik suussusersisartuq*
- *Suliffeqarfimmi namminerim qarasaasiamik aqutsiveqarfimmi paasiuminaallisaanernik misissueqqissaartarneq, nutarterinerit kiisalu isissutaasinnaasunik/passwords misissuisarnerit*
- *Illunut, allagaateqarfinnut qarasaasiaqarfimmullu iserfiusinnaasunik misissuisarneq*
- *Sulisuni avataaneersunilu pissusilersuutinik isumannaallisaaniikkut misissuisarneq*
- *Isumannaallisaaniikkut nalilersuinerit "360 grader" teknikerit, qarasaasiamut attaveqaatinik nalunaarsuisarneq/logning, allannguissamut piareersimaneq/change procedure, pingasoqiusamik tuniniaasoqarnermi suleriuseq, sillimmateqarneq/backup, restore/(allagaatinik sillimmataasivimmiittuutinik atueqqinneq), upalungaarsimaneq, qarasaasiap aqutsiviinik isumannaatsuutitsineq, paasissutissaatinik isumannaatsuutitsineq, antivirus, piginnaatitaaffiit siunnersorteqarnerlu qitiutillugit.*
- *Sulisunut qarasaasiamik atuisunngortitsinermi, atuisuujunnaarsitsinermi nuuttoqarneranilu periutsinik misissuisarneq*
- *Angalanerup nalaani suliffeqarfiup attaveqaataanik isumannaallisakkamik atuisinnaaneq*

Upalungaarsimaneq

Ajutoortoqassagaluarpat (ikuallattoqarluni, attaveqaatinik ajortumeeriniartoqartillugu/cyberangreb, ajunaarnersuaqartillugu il. il.) tamatumuuna periusissat nalinginnaasut naapertorlugit peruserisassanik pilersaarusiaqarpoq.

Ataatsimoortumik naliliineq

Namminersorlutik Oqartussat nuna tamakkerlugu aammalu nunarsuup sinnerani IT-qarnikkut isumannaatsuutitsinissamut nalinginnaasumik peruserisassanut malinnaasutut nalilerneqarpoq, pineqartorlu pingaaruteqarluni tamannalu pissutigalugu aamma malinnaavigiluarneqarluni.

Inussiarnersumik inuulluaqqusillunga



Aleqa Hammond
Naalakkersuisut Siulittaasuat